

اجتهاد

نومرو : ۱۱۸

۲۵ ایلول ۱۳۳۰

اداره خانه

ایستانبول، جغال اوغلی، دائرة اجتهاد

تلهفون نومروسی : ۸۶۵

" Idjtihad " Constantinople

بشنجی سنه

حزبت فکریه خادیم

علمی، ادبی، اجتماعی هفته لقمجموعه

مدیر مرخص : الہامی صفا

آبونه

سلاک آلتی آیلوق

تورکیا ایچین ۵۴ غروش ۳۰ غروش

ممالک اجنیه ایچین ۱۵ فرانق ۸ فرانق

نومروسی ۵۰ یارہ

شئون روحیه

قیصقانچلق

قلرندن زیاده بولہرق جکرلرینک
قیوراندیغنی طویارلر . ایشته بو بر
حس حسددر .

حسد، مدنیت واسباب زینت وسفاہتله برلکده،
آرتار . ادوار سابقہ بنسبتله زمانمزدہ حسدنک مقداری
چوغلالمشدر . ایوم ، باخصوص بلاد عظیمہ مدنیہده ،
مزیت وفضیلت اطرافنده صدای تقدیردن زیاده اسناد
وافترا فیصلیتیلری ایشیدیلیر . حقیقی بیوکلره قارشی
پرورده ایدیلن حس حسد سائقہ سیله آلقیشلر ساخته
بیوکلره مصروف اولور . جوجهلرک نقراتی دأماشودر :
یرہ باتسین دیولر ! ..

تنقید ستونلری هان بتوق مطبوعات جهانده حسد
قوکار . عقیم دماغلرک مسلاک مرجحی حسددر . مع مافیه
حس منفعت پرستی بی حسدله تغلیطایتمه ملی ز . ایکی تاجردن
بری دیکرینک مشتربلرینه البته کوز دیکر ؛ بوکا حسد
دیه میز . حسود اولسون اولماسین بر بقال یاننده کی بقالک
مشتربلرینی کندی دکانہ جلب ایتمک ایستیه جکدر ، بو حسد
دکل ایجاب رقابت تجاریه در .

حسود بر معتاد جسور دکلدر ؛ تشہیر سلاح ایله علناً
هجوم ایدہ مز . محسودینه کیزلی وقار انلق یوللرده بغتہ
سیف بہتان ایله آتیلیر . بر صورتله ارتقا ایدنلردن برینه
بر مصیبت عارض اولدیغنی ایشیدنجه ، آنجق اوزمان روحنه
براز حس فرح ودوداقلرینه خفیف بر تبسم کلیر وبالعکس
آخرک خبر موفقیتی یوزینه چرکین بر اشمیزاز ، آغزینہ
آجی بریوست کتیرر . زیدو عمروک شایان ثنابر حرکتی

تورکجه مزاک بر نقیصہ سی در ،
اوچ مختلف حسی بر تک کلمہ ایله
افاده ایدرز : غبطہ ، حسد ، غیرت . بو

اوچ متخالف انفعال نفسانی یه مشترکاً (قیصقانچلق) دیوروز .
غبطہ بر دیکرینک مالاک اولدیغنی شیئی کندی ایچونده
تمنی ایدرک قیصقانمق ، حسد باشقہ سنک نائل اولدیغنی شیئہ
کوز دیکرک اونک محرومیتی تمنی ایله قیصقانمق ، غیرت
کندی النده اولان شیئی باشقہ سی آلہ حق قورقوسیلہ
قیصقانمق در .

غبطہ هر کسک بیلدیکی وبتون اخلاقینک قبول
وحتی اولیای اطفال و مدیران مکاتب النده آلت تربیه
وتہذیب اولوق اوزره تشویق ایتدیکی بر حس بسیطدر ،
بحثہ دکنز .

حسده پک مغلق بر حس دکلدر ؛ آخرک منابع
سمادتی کورہرک کنندیمز اوزولمہ دجکہ اوزولملری
کورمشزد . باشقہ لرینک ذوقدن بزہ الم چیقاران
بوضالت فطریہ یی قدما اولہ چیرکین بولورلردی کہ بر
صنم جہنم اولوق اوزره تلقی ایتشلردی . اولر نظرندہ
نہ قدر فبالغہ مؤکل ارواح وارسہ ہمپی حسود ایدی .
شیطان بیلہ سعادت بشریہ یی قیصقاندیغنی ایچون جتندن
طرد ایدلمہ مشمی ایدی ؟

حسده قرارکاهی محروم نجابت ، سخیف وبدخواہ
روحلردر کہ موفقیتی دأماراہ اضرا دہ آرارلر . بویہلری
نفسلرینی انفس سائرہ ایله مقایسہ ایدنجه کندی حصہ
مسعودیتلرینی لیاقتلرندن آز و دیکرینک نصیبینی استحقاق

ويا معشوقه لرینی قیصقانمایان ارککلردن زیاده هیچ کیمسه هدف استکراه اولماز . یالکنز مربوطیت عاشقانه دکل هر سوکی آرقه سی صیره بر قیصقانهجلق طاشیر . چوجوقلر ابوینی، قارداشلر بری برینی، آنالر اولادلرینی، دوستلر دوستلرینی قیصقانیلر .

بونلرک ماوراسنده پک غریب قیصقانهجلقلر واردلر: خانمک توجهی ایچون دوکوشن حالاییقلر ، آمرلرینی قیصقانان مأمورلر، مولالری حقنده غیرت حس ایدن واهلر کورولور. غیرت بوراده مالکدن مملوکه دکل بر جریان مکوس ایله مملوکن مالک کیدر ، صاحب لرینی قیصقانان کوکلرده، بولندقلری اوی قیصقانان کدیلرده اولدینی گی ... بوصب الایضاح غیرتلرده انسان بهییمته تماس ایدیور .

قیصقاندینی هر نه اولورسه اولسون قیصقانهجلیک ایکی سیم کوستر: بری متهور، اوتیه کی مغموم... قیصقانان یا هجوم ایدر، حایقزر، باغیر؛ یاخود برکوشیه چکیلیر، محزون وساکت باقار، رقیبنک ایچی صیرلایه رق، یورکی بورقوله رق سیر ایدر.

انسان هر شیئی وهریاشده قیصقانه بیلیر: آنالری ویا سوت نهلرینی قیصقانان برایکی آیلق چوجوقلر، سکسان یاشنده کی زوجه لرینی قیصقانان عصر دیده آدملر کورولمیشدر. قیصقانهجلیک هر شکل ودرجه سی غیرت عاشقانه ده کورولور؛ باشدیجه ایکی دورلو غیرت عاشقانه واردلر: بری سودیکنه امنیتسزلکدن ، دیکری کندی نفسنه اعتمادسزلقدن تولد ایدر. برنجیسی قابا، ایکنجیسی انجه بر قیصقانهجلیکدر. اوتیه کی: « بنی لایق اولدیغ صدق و وفا ایله سوه جکمی ؟. » دیر؛ بریکی: « بن اونک محبتنه دایما لایق قاله جقمی یم؟ » اندیشه سیله تتره. برنجیسی بر معتاد قادین قیصقانهجلیکده، ایکنجیسی علی الاکثر ارکک غیرتنده کورولور.

غیرت عاشقانه نک منبعی شهه در . بوجهتله وهم واشتباهاک تعلق ایتدیکی ده ره کوره سوکیلسنک ماضیسنی، حالی وحی استقبالی قیصقانانلر کوروروز . وبعضاً غیرت اونسبتی آلیرکه سوبلن مخلوقک بتون عمری قیصقانیلیر.

ویا نفیس بر اثرینی ذکر ایدکنز: حسود، اگر جرئت انکار بولامازسه، سکوت ایده جکدر.

حسد هر کسک لندن کلز. احمق احمقه وحقی داهییه حسدایدر. فقط هیچ برذکی کورولمز که بدلای قیصقانسین. اُک بیوک حسودلر بیله محسودلرینک بلاهت وافحه سندن امین اولنجه یارالرینک ایلک یوز طوتدینی حس ایدرلر. حسدله استحقار یان یانه یاشایه ماز .

حسدک برمتاد همراهی کین در. بوندن ناشی چوق کشیلر بوابکی حسی تغلیط ایدرلر. شارون دیورکه: «حسد کینک کوچک همشیره سیدر. باشقه لرنده کوردیکه مزنیسمک بزه ویردکی اسف، قلبمزی کمین برحس، باشقه لرنده کی خیری بزه شر ایدن شی: ایشته حسدا! » کین ایشه شیئی مملوکی براقیر، شخص مالک تعرض ایدر. ناپولئون بوناپارت که هیچ کیمسه یه حسد ایده بیله جک بر موقعده دکلدی، « عقلای آدم اشیایه کین باغلار، اشخاصه دکل! » دیرمش. هر حسود کیندار اولاماز، هر کین حسدندن متولد اولمادینی کبی ... حسد بر کین شکنده میدانده چیقمق ایچون هیچ اولمازسه بر متانت عصیه لازمدر. آنالرمز حسدی زهرلی برییلانه تشبیه ایدرلرمش؛ فی الحقیقه حسد صارلاندینی روحی نسیم ایدر؛ حاسدهیچ بر زمان مسود اولاماز. هر لسانده بو حقیقتی ناطق بعض ضرور امثال واردلر. مع مافیه حسد، غیرت قدر شایسته تحلیل و تتبع دکلدر.

*

**

غیرت، هیچ شبهه یوق که، برحس فطریدر. حسدی جمعیت تلقین ایتدیکی حالده غیرتی طبیعت طوغورور؛ انسان کندیسنه عائد هر شیئی ازچوق قیصقانیلر؛ یاناغی، صاندالبه سنی، کتابی وامثالی ... بر آدم حس غیرتدن تمایله آزاده اولاماز. هیچ اولمازسه دینی، وطنی، دوستی، زوجه سنی قیصقانه جقدر. غیرت ملیه، غیرت دینه، غیرت شرفیه، هپ قیصقانهجلیکدر.

غیرت هیچ شبهه یوق که محبتنه شدتله مربوطدر . قیصقانهجلیک سزین کیم سوه بیلیر؟ سودیکمزی قیصقانهجلیک او قدر طبیعیدر که غیرت عاشقانه بر شرط عفت اولمیشدر. زوجه لرینی

ایدنلردر : بونلرده باشلیجه اولا غائب ایتدیکی مخلوق
تکرار آرزولا مامقدن متولد بر میل تقرب، ثانیاً سودیکی
دائرۂ ملکیتده بولامقدن نشأت ایدن برانکسار، ثالثاً
الندن قاجیردیغنی تکرار اله کچیرمک هوسندن طوغان
برسودای استرداد وانتقام حس اولنور .

ارککلر همان علی العموم قیصقانچ قادینلردن خشنود
اولمازلر ؛ دها طوغروسی معشوقه لرنده اوپله رقیق
وساکت بر قیصقانچلق ایسترلرکه حریتلرینه اصلا مانع
اولماسین . قادینلره کلنجه : اولنره سودکلرینک کندیلرینی
قیصقانما مایی برشبهۂ لایقیدی کتیرر، فقط سومدکلرینک
قیصقانما سایی بی شبهه تحماسوز کلیر .

قادین اولالم ، ارکک اولالم ، قیصقانچلق برنسبت
مرضیه آلدیغنی زمان سودیکمزک لیاقتی، شان و شرفی،
سعادتتی، هرشیئنی وحقی حیاتی قیصقانیز ؛ آنجق اونک
اولومی بزى مستریح ایدر . غیرتک بودرجه سنه مبتلی
اولانلره آجمالی یز، زیرا برکره اولدورر، بیگ کره
اولرلر !

جناب سهراب الدین .

هامش : غیرت عاشقانه ادبیات جهانده مهم بر موقع اشغال
ایدر ، کله جک مصاحبه مزده اوندن بحث ایده جکم .
ج . ش .

محاربه اطرافنده

— انکلتزه - آلمانیا رقابت اقتصادیسی —

سرای بوسنه ده بر مکتب طلبه سی طرفدن فیلاتیلان
کوچک بر آتش بوتون مدنی اوروپایی آتشلر ایچنه غرق
ایتمش ، دهشتلر صاحبان برجهنمه چویرمشدر .

کوچک برقیغاجمک بوقادار خارقه نما بر تأثیر کوستر-
مسنه سیبیت ویرن عامللری آراشدیریرسه ق بر طرفدن
روسیه نک پانسلاویسم پولتیقه سنی و دیگر طرفدن انکلتزه نک
برمدتدن بری مبتلا اولدیغنی آلمان قورقوسنی و تعییر
معروفیله آلمان کابوسنی کورورز . بزوراده شمیدیک
یالکز آلمان کابوسنک و دها طوغریسی انکلیز - آلمان
رقابت اقتصادی سنک ماهیتنی ایضاح و تعیینه چالیشه جغز .

بوغیرتله دوشنلرک محبتی، حضور و راحتی، عزت نفسی،
وقاری، هپسی، هپسی، قانار، صیزلار ونهایت غضبه
منقلب اولور، سودیکی قانانیر، صیزلاتیر، اغضاب ایدر،
ایکی وجود آره سنده بر جریان الم شکلی آلیر .

قیصقانچ ایچون هر واقعه یکی بر غلیان غیرته سبب
اولور، هیچ برشی غیرتی تسکین ایتمز . سودیکی
مسرور، مکدر، ساکت ویا مترنم، هر نه اولور سه
اولسون قیصقانچ اونک هر طورندن بر شبهه خیانت
چیقاره جقدر : غیرتک بوشکلی بر مرضدرکه هر علاجدن
بر بهانه اشتداد بولور ... سودکلرنده بویله لاینقطع اثر
اهانت آرایانلر هیچ دوشونمزلرکه آرادقلرینه تصادف
ایتدکلری کون دنیانک اک بدبخت آدمی اوله جقلردر .
برمتاد هر عشقه براز قیصقانچلق لازم کلیر سه ده
غیرتک فوقه چیقان خارق العاده محبتلر کوروله مش
دکلدر . سوکی بضا اونسته ارتقا ایدرکه انسان پرستیده
روحنه هیچ بر سائیه شبهه قوندوره مز .

قیصقانچلق علی الاکثر حق عاشقینه نسبتله اجر
معشوقیتنی غیر کافی کورن خودکاملرده کورولور .
لاروشفوقونک مطالبه سنی تصدیق ایتملی یز : غیرت
عاشقانه ده حب غیردن زیاده حب نفس واردر . برمتاد
محبتله برابر باشلایان قیصقانچلق محبتک زوالندن صوکره
بیله بعضاً بردوام قالیر : بر زمان سومش اولدیغمز بر
مخلوقک باشقه سنه محبتنی تمامیه لاقیدانه تاقی ایده میز .
بوجهتله : « قیصقانچلق انسانک حس ایتدیکی عشقدن
دکل مالک اواق ادعاسنده اولدیغنی معشوقیتدن تولد ایدر . »
دیین ذات پک حقلی در .

غیرت عاشقانه نک باشلیجه اوچ آقتوری واردر :
عاشق ویا معشوق، عاشقه ویا معشوقه، موهوم ویا موجود
رقیب ویا رقیبه ... بوندن طولایی هر قیصقانچلقده میل
ومحبت قدر کین وعداوت حس اولنور . سودیکی
باشقه سنه قایدیران عاشقک رقیبه قارشنی حس ایتدیکی
شی عشقی نسبتنده عظیم بر کین در، استحقار ایله قاریشیق
بر کین ...

قیصقانچلقلرک اک مغایق خیانت عاشقانه بی تعقیب